


圖書集成醫部全錄

第五十七冊

小兒痘疹三至三十二



博物彙編藝術典第五百卷目錄

醫部彙考四百八十

痘疹門二十二

聶久吾痘疹論

開時醫之謬 白木散豆蔻丸說 論鉅說 論年長患痘 或問五條 痲疹四
馬之騏疹科纂要 痲疹通論 證治大略 潮熱證治 痲風 汗渴飲水 煩躁 諸語 欬嗽
疫病發斑夾斑 喉痛失音 傷寒發斑痲疹 嘔吐腹痛 泄瀉 痲疹發斑 痲疹諸失血 飲食瘡毒 痘瘡後蓋痘疹

博物彙編藝術典第五百一卷目錄

醫部彙考四百八十一

痘疹門二十三

翟良痘科類編釋意

原痘論 補遺 痘氣血並脈氣血盈虧消長之理 補遺 部位論 頭面
痘而無形休教有形而無色論 痘成功有次序色有通變不同論 形色論 補遺 常教有
補遺 汗下論 熱不可盡除說 虛實寒熱不同辨 補遺 痘者生毒參歷位者死解 痘不成色當
就其成色而成就之治法不可執一論 解毒化毒論 氣血分者生毒參歷位者死解 痘不成色當
分輕重說 痘中疹子與正疹子丹毒紅點沙子不同論 痘不可與凡瘡同治論 痘疹不同論
雙黑歸腎腎經雷邪論 首尾忌臆勝論

博物彙編藝術典第五百二卷目錄

醫部彙考四百八十二

痘疹門二十四

翟良痘科類編釋意

治痘始終推證與痘證當分治論 補遺 治痘始終看法說 痘不期日期
人以斷痘之輕重說 就人定痘之治法說 出見三日證治 三等五要說 痘有五善七惡說 痘之辨法
初熱三日證治 論痘瘡發熱與傷寒不同 出見三日證治 結痲落痲證治 調養榮忌 又 痘氣起脹
三日證治 灌膿三日證治 收靨三日證治

博物彙編藝術典第五百三卷目錄

醫部彙考四百八十三

博物彙編藝術典第五百四卷目錄

醫部彙考四百八十四

痘疹門二十六

痘疹經驗良方

博物彙編藝術典第五百五卷目錄

醫部彙考四百八十五

痘疹門二十七

救偏瑣言

救偏總論 原痘論 論氣 論血
論治痘權宜 治痘藥性摘要賦
發熱論 升發論 推廣規則錄
疏表 達裏 治痘須知大運論

博物彙編藝術典第五百六卷目錄

醫部彙考四百八十六

痘疹門二十八

救偏瑣言

瘡有首尾疏達訣
總訣陷有毒滯
瘡有不宣疏達訣
總訣旋有囊薄
放點證治準
總訣薄有浮衣
瘡有內壅
總訣平扁與不鬆辨
密有充肥

準
明
帝
攻
毒

總訣身
已訣百
申明
明胃
堂壅
退日
明夜
無眠
申明
明咳
迷血
疲昏
明無
腸大
逼迫
申明
申明
明拂
鬱心
毛丁

汗湧 申明

[illegible]

惡色井治 申明湧

出如針
明四毒
明黑陷
明歪斜
明痘佳
明發惡
明發背
明浮萍
明痘白
明雄標
明發班
明舌
明飛
明珠
明兩
明撥
明瘋
明怪
明紅
明痘
明無
明一
明點

博物彙編藝術典第五百七卷目錄

醫部彙考四百八十七

三

敗草散 羊肝散 蟬菊散 羌菊散 丹粉散 當歸補血湯 四神丸 八珍湯 四味肥兒丸 九味
蘆薈丸 大蘆薈湯 蟬菊散 羌菊散 丹粉散 當歸補血湯 四神丸 八珍湯 四味肥兒丸 九味
子法丸 升均湯 消毒散 苦散 丹溪先生解毒藥 梔子清肝散 當歸補血湯 四神丸 八珍湯 四味肥兒丸 九味
百祥丸 神方 又散 稀痘梗湯 神功消毒藥 梔子清肝散 當歸補血湯 四神丸 八珍湯 四味肥兒丸 九味
秘傳稀痘 加味連芩 稀痘梗湯 神功消毒藥 梔子清肝散 當歸補血湯 四神丸 八珍湯 四味肥兒丸 九味
天宣化丸 麻黃解毒散 元參解毒湯 黃連解毒散 枳實導滯散 神效解毒散 甯神湯 人參白虎湯 調中湯 胃苓湯 三蛇散 代
味葛根湯 麻黃解毒散 元參解毒湯 黃連解毒散 枳實導滯散 神效解毒散 甯神湯 人參白虎湯 調中湯 胃苓湯 三蛇散 代
散毒湯 補中益氣湯 元參解毒湯 黃連解毒散 枳實導滯散 神效解毒散 甯神湯 人參白虎湯 調中湯 胃苓湯 三蛇散 代

聶久吾痘疹論

闕時醫之謬

近世痘方多宗黃西丘其書自始至終俱分順逆險而立三圖說其謂順者不必服藥是也謂險者宜以保元湯加減調治猶近理也但謂逆者俱不可治治之徒勞無益是教人袖手待斃矣其言不仁之甚而貽害於世不小也此爲俗醫圖利計則甚便而於救濟生靈之術則甚乖也蓋醫者仁術聖人以之贊助造化之不及所貴者扶危救困起死迴生耳若治其易治者而棄其難治者則何以醫爲惟俗醫意在圖利又恐壞名見證有不順者輒委棄之彼誠恐利未必得而徒冒不識證之名若仁人君子當爲之死裏求生豈忍斷其必死而坐視不治故曰西丘之言便於俗醫而非所以濟世也且其所指逆證多端痘瘡稠密者多有之如初熱而驚悸吐瀉報痘而先發於印堂司空天庭等處初出而根窠無暈既出而色白灰陷或發水泡或癢塌或當行漿而不行漿或痂未落而寒戰咬牙等證皆其圖說所謂逆而不治者予每治之而得生者多矣奈何悉謂治之無益而戒人勿治乎惟初出形如蠶種既出而紫黑乾枯者難以灌漿多不可救耳然甯救之而不活不忍坐視而不救也

近年有庠生管櫟編集保赤全書載痘疹方論頗爲詳備然其人博而不精未諳妙理所論氣血虛實寒熱等理多混雜未能融通所論某證該用某方多鹵莽又多乖舛而不得其宜在明者得之猶可備參考若昧者執而用之鮮不悞事予恐其無益於世而反惑世也故表而出之

痘證與他證不同自初發熱以至於結痂限日限時救困扶危當用之藥宜及時而用如救焚拯溺不可緩也蓋痘毒發自五臟實動五臟之真氣其出痘多者真氣發洩亦多當此之時人之血氣幾絕岌岌乎殆哉如油盡之燈不速爲之增油則燈焰熄如風中之燭不速爲之蔽風則燭光滅也時醫則不然輕視人命而重視財利其愚而不知用藥者姑無論已卽稍知用藥者亦不肯及時用藥欲因禍大而顯功遲

延至於氣血已絕不可復續雖有對證之藥緩不及事因而悞人性命者多矣此醫家之害而病家不可不知也又時醫識見淺陋未諳妙理執泥祖傳舊方不知變通遇痘證之輕者猶可動手調治而自以爲功一遇危險重證便束手無策不能救療甚至治而不活者則以爲痘證原惡而不自咎其術之拙病家亦以爲痘證本惡而不歸咎醫之拙殊不知痘瘡常數若無甚惡之證而調治得宜十可十生間有極惡之證必不可救療者十不過一二今治而十死七八何惡證之多也無亦術之不精乎

當時令衆人出痘時小兒或有發熱稍緩其熱或作或止其紅點或未見或微見而未明或是出痘或非出痘正在疑似之間當此之時不如且勿服藥以待其自定但禁風禁葷調護之而已所謂不輕治正所以深治之者此也有等富貴之家珍愛太過見其如此屢投以清涼解毒之劑不知若是痘證則其毒氣發動於五臟勃勃欲出其勢決不可阻遏屢用清涼阻遏其勢卽所以迫之內攻而禍速矣故犯此者多有報痘數日即煩悶驚搐而死此解毒之劑殺之也正如寇在宮牆之內不逐之出外反遏其出路圍而攻之宮中之人有不遭殘害者乎然醫者曰吾用解毒藥何至於殺人既不自任其咎病家亦曰彼用解毒藥何至於殺吾人亦不歸咎於醫殺人於冥冥之中而已不悞也人不知也予故表而出之以戒世之愛而反害者語曰久腊者毒必厚痘毒稟於胎元伏於五臟其輕者無論已其重者深藏久蓄不爲不厚矣一旦觸發於倏然忽然之頃其勢猛銳欲出斷不可禦是以必藉氣血載毒出外成癰結痂然後毒散而成功此病機亦化機也此豈若諸瘡之毒可以驟然而解散者故解之於既出之後是順其欲散之勢猶爲近理解之於未出之先是遏其猛銳欲出之勢其禍甚速如初決之堤水勢排山而欲捧土塞之有是理乎奈何自古治痘之家其卑者固不足道其高者亦未深悟此理每每於痘瘡發熱之初欲出未出之際輒以解毒爲主且曰服某藥則毒可解而痘出必稀不知痘之稀由其初受毒之輕耳豈將出之時所能驟解乎致啓後之庸醫訛以承訛見痘瘡欲出未出之間毒氣熾盛則多用寒涼以解之或妄下以解之彼自以爲對證之妙劑而不知反致內攻之奇禍至於殺人而終不悟前覆而後不鑒其禍又無窮也予睹近時庸醫治痘多犯此失以致童幼數日而死者甚多則皆茫然委於證惡難救而舉世莫覺其致死之由殊可於闕也故不得不再三發明其理以救將來

自有方書治痘以來其時不啻二千年其人不啻數百家然皆詳於已出之後略於未出之前深言出逃而稠密之危不言留中而不出之禍不知已出之毒外寇也未出之毒內寇也徒知禦外寇而不知逐內寇自古以來諸賢之爲計疎也然其失計安在惟在痘未出而急於解毒緩於逐毒也不知未出之毒不可解但當汲汲逐之出外也予深悟其理而明鑒其失故長願却慮爲未出以前諸證設法惟明辨其虛實寒熱以施治實熱者宣發其壅滯以逐毒出外虛寒者補助其氣血以逐毒出外至於急用寒涼遏毒內攻等弊則諄諄致戒不厭再三一以救前哲之失一以開後人之迷雖岐黃復起不易吾言矣須知出痘多者收結之時還元之後五臟真氣發洩已多一身血氣耗散已甚雖或毒氣未淨而其正氣極虛是以用涼藥解毒必須用酒炒製其體氣弱者或時加入參芪歸芎之類以救血氣切不可因其有熱證而遽投以生三黃生梔子生大黃生石膏之類此時正氣微弱驟用寒涼峻攻多有一投而輒斃者戒之戒之

治痘之家既謹其始又必謹其終蓋痘之危險不測者有二一曰毒盛一曰體虛當其未出之時或三五日而速斃者皆因毒盛也及其結痂還元之時或悞投一藥悞進一飲一食而輒斃者皆因體虛也然毒盛欲出不出者能順其勢以導之出而不妄施解毒以阻遏拂逆之則未必致斃故再三戒諭深爲謹始者慮也體虛者能察其虛而補養之又防其虛而不峻攻之則可保無虞惟玩其收結還元而忽易不加謹者多致悞事故又深爲謹終者警也

白朮散豆蔻丸說

此等丸散治痘之家必須豫製以防虛滑泄瀉若痘起脹或收結時驟然泄瀉不止危在旦夕矣然止瀉用湯藥多不效有服至異功散而不止者惟此丸散可以止之惟毒熱作渴者加味四苓散一二服即可止起脹灌膿時或有六七日不大便而煩悶作痛者毒盛而祕也用清毒活血湯去參芪加懷牛膝二錢紫草當歸各加至二錢煎藥熟去渣入生蜜半酒盃服之如又不通用前藥加酒炒大黃三錢微利之若仍不通用猪膽汁滴入穀道中卽通終不可用硝黃大下恐下後變他證則危矣

論衄血

痘有鼻中衄血者毒氣上衝於肺也此其毒氣外洩亦非惡候不必驚惶只用髮灰散或清肺湯治之切不可峻用寒涼如犀角生地山梔生三黃之類冰伏其血必爲大害世人不諳此理一遇痘瘡有衄血咽喉口舌等證卽認爲實熱遽投以寒涼冰凝血脉以致痘瘡不得成膿而變爲壞證者多矣是治末而妨其本昧之甚者也

論年長出痘

又有一種出痘稠密毒火既盛然元氣虛血氣弱津液枯竭不能制火以致虛火炎蒸或煩或渴或咽喉痛或鼻時出血難任溫補痘必不能成漿結痂大凡年長之男女嗜慾久開血氣既耗者多有此證最爲難治時醫見其多熱候率用清涼如犀角地黃湯之類不知原因血氣不能勝毒氣而致有此證今又純用寒涼則血氣甚虧損而毒氣愈肆行豈復有可生之理是以此等痘證時醫治之十無一生殊可哀憐今特製參麥清補湯用人參酒洗當歸各八分麥冬酒蒸曬乾一錢二分花粉酒蒸曬乾生黃芪各一錢前胡牛蒡山槿肉各五分炙甘草生甘草酒洗紅花川芎酒洗生地枯梗各三分酒炒白芍生白芍各四分生薑一片龍眼肉三箇同煎溫服以調之遇此證者此藥當頓服於痘出五六日內至七八日若膿漿不行亦當用參芪鹿茸湯托之若膿漿不起則無生意矣若有四五分膿猶可望生

或問五條

或問曰醫治未病古人立豫解痘毒之方或解之於平日或解之於臨時其方何啻數百子何以知痘毒不可豫解而不載一方也曰以其理知之又驗其事而知之蓋痘毒稟受於胚胎而潛伏於五臟或數年而後發或十數年而後發或數十年而後發當其未發時深藏潛伏聲臭俱泯於何而解之彼無聲臭之毒又豈有形質有氣味之藥所能解散且用藥攻病猶如用兵誅寇故必執兵持竿然後可以寇誅之當閭閻無事時雖有奸豪潛伏其中而不執兵不持竿誰能識其爲寇而誅之今豫解痘毒於聲臭俱泯之時得無類是乎此以理知其不能解也予婦產男女十人皆已出痘前六人多用豫解痘毒之方而出痘反有極多者後四人不用此方而出痘極少皆勿藥自愈矣此可驗痘毒輕重定於稟受之初而不能豫解也然服解毒藥於平時雖無益猶無害也至於臨時解毒則有反害者矣每見富貴之家父母珍愛其

其毒氣者有之犯此二者所謂無益而又害之者也以是知解之於臨時者尤不可也

或問曰子立論若劉河間錢仲陽陳文中等皆古名醫子議其失猶之可也至於朱丹溪集醫道之大成亦議其未盡痘家之妙何也曰丹溪之醫誠精矣子謂其足以盡醫家之妙乎又足以盡痘家之妙乎且醫之爲道精微廣大亦難言矣自古名醫雖各有精微然亦多有訛謬如王叔和著脈訣論五臟六腑謂三焦無狀空有名寄在膈中膈相應此其說大謬矣夫叔和名醫有如此者後人習焉不察至宋張季明著醫說始論其謬其言有理有據然世竟宗叔和之謬而莫知有季明之辨也如此之類何可枚舉若劉河間等之治痘而專用寒涼解毒則又宗內經諸瘡俱屬心火之言而失其意者也蓋內經此言爲諸瘡發也非爲痘瘡發也痘瘡與諸瘡大不同者也且而劉河間錢仲陽輩乃宗其論諸瘡之言以治痘瘡此何異行車於水而推舟於陸也訛謬甚矣丹溪又宗劉錢而不能正其謬者也何以能盡痘家之妙也或問曰古人治痘一以解毒爲主至丹溪揭解毒和中安表六字論者以爲精當之極大略謂痘未出而能解毒則可以使痘出稀少痘既出而能解毒則可免潰爛發癰發疔入眼等患豈不深有至理而于獨極言解毒之害而諄諄以妄解毒爲戒此說未之前聞不亦過高駭衆乎曰此痘家第一精深微妙之理古今高明之士皆迷而不悞是以徒知解毒之利而不知解毒之害也雖丹溪解毒和中安表之說亦欠分曉蓋揭解毒二字於和中安表之上後人執而用之多致慢事以丹溪之明而見不及此况其下焉者乎蓋痘毒久伏於五臟一旦觸動而勃發其勇悍猛烈之勢斷不可禦遏又何可解散智者惟順其勢以導之出外而已昧者當其欲出未出時而遽投以解毒藥則拂逆其勢豈惟不能解散而適以逼之返戈內攻反其禍不旋踵也故多有痘纔見數點而兒已斃者則亦慘矣近日每見富貴之家極珍愛其子者多罹此禍然而病家與醫家終不悟其失且曰此痘最惡吾先爲之解毒猶不能救况不解毒乎噫迷亦甚矣獨不思使其不遽用解毒藥以逼毒內攻則毒出外而內自安何遽至於斃縱其痘出或稠密或紅紫或乾枯猶可從容調治孰與未見痘而速死之慘乎是以痘未出之前除升發微汗一劑外凡攻裏清表寒涼解毒之劑當一切禁之如砒巴勿令入口可也古人謂不可汗下亦是此理惜其語焉而不詳也

丹溪亦戒妄汗妄下庶幾不失古人之意矣然又教人用犀角地黃湯之類是徒知汗下之害而不知當此欲出未出之時不必汗下而後爲害即多用清涼如犀角生地之類亦能遏毒內攻而致害也惟人參敗毒散能宣發毒氣出外猶無害耳若胡氏輩率其愚臆謬見而妄謂非汗則表熱不解非下則裏熱不解汗下以解表裏則痘出稀而必無逆證而後之愚醫若管櫟輩又從而敷衍其說使世人不察而誤用之以致兒童之罹此而夭折者不可勝計禍亦大矣予欲救其禍安得不詳辨以破其迷也至於痘既出之後則有不必解毒者有不可解毒者有不可專解毒而必兼補養者有可以專解毒而不必兼補養者不必解毒與不可解毒者辨之詳矣若其痘出稠密紫暗乾枯而不起發不灌膿者此毒氣盛而血氣弱者也或先用清涼藥解散其毒氣而隨以補血氣藥助其行漿或於解毒藥中兼活血養血扶元氣藥可也此則所謂不可專解毒而必兼補養者也丹溪所謂解毒和中安表者惟用之於此爲適當乎若其痘出稠密湧盛紅紫凸綻而潤澤然而口渴喜飲善饑喜食煩躁不安大便久秘小便赤澀此則可以專用清涼解毒不必復兼補養者也大略既出以後未收以前可以專解毒者惟此一證以其血氣與毒氣俱盛耳然兒童出痘多者真氣發洩血氣難支多致虛弱恐血氣毒氣俱盛者百中一二耳專主解毒者錯謬不亦多乎惟收結後覺有餘毒則急宜解散不可少緩緩則恐發癰患眼也

或問曰昔人治痘先辨生死其證逆而必死者或作爲歌訣或著爲圖說戒人不必施治若妄治則反招怨尤子獨不分別逆證而一槩爲之立方設法何也曰彼以醫之心立法而吾以父母之心立法也世之出痘者孰非人子乎父母之於子忍度其必死而不爲之救治乎況病證雖有順逆而治法豈無工拙彼前人思之未精治之未盡其妙多以可治之證認爲必不可治而一槩教後人棄而勿治此非仁人之心也予甚惡其說是以必矯其失然非徒以空言矯之也每於前人所指必不可治之證十常活其五六又未嘗不咎前人之疎於立法而輕於立言也是以不忍不爲之死裏求生也其或有求其生而不得吾末如之何者然後於好生之心無忝矣

或問曰古人立方用大靈丹大成散返靈丹龍虎丹之類皆相傳以爲治痘妙方而子俱不取用何也曰痘瘡一以氣血爲主其順者血氣能勝毒氣者也其險而不順者皆血氣不能勝毒氣者也治痘者當視

血氣強壯而酌其宜以解毒氣乃爲穩當以上諸方皆用金石腦麝等性猛之藥以劫散毒氣而損傷血氣殆甚用之於元氣厚者或可以偶中而獲效用之於元氣弱者一不中而萬有餘敗矣前人傳用其方蓋計其效而不計其敗者也予所以不取用者恐未得其效而反受其敗也

痲疹四忌

痲疹形如痲痘疹形如豆皆象其形而名之也痲痘俱胎毒而痘出五臟屬陰陰主閉藏其毒深而難散痲出六腑屬陽陽主發散其毒淺而易散臟陰多虛寒故痘可溫補腑陽多實熱故痲宜解散然痲雖屬腑而其熱毒之氣上蒸於肺肺主皮毛實受其毒是以發熱之初雖似傷寒而肺家見證獨多欬噴嚏鼻流清涕眼泡腫眼淚汪汪面腫腮赤是也治之之法惟在宣發其毒以盡出之於外雖紅腫之甚狀如漆瘡亦不足慮以其既發於外即可免內攻不若痘家之必顧其收結也此證若調治得法十可十全而調治失宜則殺人亦如反掌蓋痲證有所大忌病家犯其所忌則至於殺人醫家犯其所忌亦至於殺人也其所忌不同皆忌閉塞其毒不得發洩也今標四大忌於後令人勿犯也

一忌葷腥生冷風寒出痲疹時大忌食葷腥食生冷冒犯風寒皆能使皮膚閉塞毒氣抑鬱而內攻也
一忌驟用寒涼初發熱時最忌驟用寒涼以冰毒使毒氣抑遏不得出則成內攻之患而昔人謂天氣暄熱宜用辛涼發之如黃連解毒湯之類不知天時暑熱之氣豈寒涼之藥所能解今驟用寒涼恐不足以解外熱而適足以阻內熱使不得出也曾見有一宦家艱子得一子甫一歲出痲發熱痲未見形而發搐醫誤認爲急驚而用涼藥攻之遂令痲毒隱隱在皮下不出後醫以滋陰爲主而用四物等藥亦不能救煩悶聲啞至旬日而死此可以知涼藥冰毒之害矣今因天熱而驟用寒涼豈理也哉

一忌多用辛熱初發熱時最忌多用辛熱以助毒如桂枝痲黃羌活之類能使毒壅蔽而不得出亦致內攻之患而昔人謂天氣大寒宜用辛熱如桂枝湯之類發之不知天氣大寒只宜置之煖室謹避風寒可也且天氣雖寒而人身之熱毒未必減也而多用辛熱豈理也哉

一忌用補溫痲出之時多有自利不止者其毒亦因利而散此殊無妨如泄利過甚則以加味四苓散與之切忌用參朮訶蔻補溫之藥重則令腹脹喘滿而不可救輕則變爲休息痢戒之戒之

馬之騏疹科纂要

麻疹通論

夫嬰兒麻疹固與痘瘡大不相同亦與斑疹癰疹並不相同蓋麻疹亦屬胎毒乃係六腑蘊蓄積熱發自脾肺二經或受風寒或傷飲食時氣感觸煽動心火燔燥肺金肺主皮毛故其邪發於皮膚之上出爲細疹遍身點點紅色甚則壘腫有小顆粒隨出隨沒沒則又出俗名糠瘡又曰麸瘡其證初發熱時略類風寒而實大異亦與痘證相似但痘瘡自裏而出於五臟腑屬陰其病本深難出難收故有形有漿麻疹自表而出於六腑腑屬陽其病本淺易出易收故有形無漿然多實熱無寒又有戰慄似寒者乃熱極生陰反作寒耳切不可作寒證治之雖較痘瘡爲易然倏忽變化其證急速自初出一二日及愈後月餘虛者百日皆不可以其易而忽之經曰痘前疹後信哉

若初生嬰兒未及滿月或百日內外或未生痘瘡之先遍身發出紅點如粟米狀滿月內外各爲爛衣瘡百日內外及未生痘瘡之先各爲瘙疹蓋兒在母腹中爲陰血之氣熏蒸已久生後忽遇陽風一逼遂發此疹不治自愈

若痘瘡愈後起居不節飲食過度外感風寒痘愈數日之後身忽略熱遍身即出紅點大小不一亦如粟米之狀作癢愈抓盛愈如雲成片各爲雲頭疹又名蓋痘疹非眞疹也勿以爲眞疹而畏之

若天行疫病大人小兒感之大便秘結熱氣流於胃中忽發紅斑隱於皮膚之內有色點而無顆粒如蚊蚤之迹錦文之狀者無頭且平名曰發斑其證有陽毒陰毒之殊總皆熱毒所致非眞疹也不可與疹同治

若感冒時氣頗類傷寒俗名紅眼汗病係心火燦乎肺金紅點隱於皮膚之間發則多癢或不仁者是有風濕之殊色紅者火也亦皆熱毒所致其證多屬於脾狀隱隱然故名曰癰疹非眞疹也亦不可與疹同治

證治大略

麻疹爲實熱之證屬在於肺其發也多因風熱兼聚而作浮於皮膚有小顆粒隨出隨沒沒則又出故雖

值寒天亦不可重加衣被而過於熱恐毒入咽喉令其聲啞癰疹不出致有變證爲害不小治癰之出
清肺火降痰主乎解散惟以發表出透爲妙汗之即愈亦有可下者但忌認作傷寒妄汗妄下汗之則增
其熱爲鼻衄爲欬血爲口瘡咽痛爲目赤痛爲煩躁爲大小便不通下之則虛其裏爲滑泄爲滯下多致
不救慎之慎之故初熱時先宜發散次清利次清熱次補血蓋發散則風熱解清利則肺金清清熱則心
火瀉免致金受火尅則證自輕然癰疹屬陽熱甚則陰分受損血多虛耗必宜滋養陰血此首尾所以當
瀉心火清肺金散風熱滋陰血爲主不可少動其氣宜通聖散中消息用之如人參白朮半夏一切燥悍
之藥皆不可用卽升麻升動陽氣上衝亦不可多用蓋癰疹標屬陰而本屬陽也苟癰疹未愈輕用溫熱
燥悍之劑多致牙齦腫爛雖氣血虛弱亦必待癰疹愈後方用補虛養血調理脾胃之藥斯乃萬無一失
不則毒氣壅遏頓生奇禍不可不慎此治癰疹之大端也

潮熱證治

癰疹初發時略類傷寒而迥異蓋其增寒壯熱頭痛臉赤目赤煩紅身體疼痛此略類也至其火熱太盛
多欬嗽噴嚏鼻流清涕眼光如水眼胞浮腫眼角生眵眼淚汪汪惡心乾嘔恆欲飲水或痰涎吐瀉不思
飲食大便急而小便澀則皆熱之所致爲迥異耳然有熱一二日而出者有發熱五六日而出者或有發
熱七八日而出者證候未明疑似之際但覺潮熱卽宜升麻葛根湯加紫蘇葱白一根煎服或參蘇飲去
人參半夏陳皮腹痛仍用陳皮加砂仁煎服被蓋微表之得汗自頭至足方漸漸減去衣被則皮膚通暢
腠理開豁自無留毒而疹易出矣若有未出亦不可再表

既表卽宜謹避風寒勿食生冷忌酒肉雞魚一切葷腥等物如外犯風寒內傷腥冷輕則癰疹生痰嗽成
驚搐重則皮毛閉塞毒氣難出遂變紫黑而死矣

如食酒肉雞魚葷腥等物則毒入脾胃必至癰疹後生瘡癰下流大腸爲泄瀉白痢等證流入小腸則小
水赤澀爲血痢等證俗謂白痢屬冷血痢屬熱者非也戒之戒之
癰疹未出時發熱吐瀉交作三日內出耳後項上腰腿先出一日出三次二日再出六次見點紅活顯露
形小明淨項尖不長隨出隨沒三四日方收者順證也不治自愈

麻未出時發熱乾霍亂身體極熱欲出不出隱伏皮內發不透快者險宜升麻葛根湯大寒加麻黃即出

麻未出時發熱喘促者險宜三拗湯加煨過石膏茶葉名五虎湯治之

麻未出時發熱面先青黑乃毒氣攻心者逆宜內托散消毒湯以解之不然則必死

身體極熱隱伏不出或帶紫色不明或不突起與肉一平或一二日就沒喘嗽利下者逆速宜解表急則

用麻黃湯以發之胡荽酒以擦之緩則用升麻葛根湯加石膏黃芩以解之

麻疹正出時身猶大熱宜升麻葛根湯加黃芩地骨皮治之若以手摹之疹色白起手即紅者血虛宜養

榮湯主之

正出色紅者火盛宜化斑湯主之或人參白虎湯

色紫赤乾灰燥暗大渴飲水不止乃火盛毒熾宜六一散解之或四物湯去地黃加紅花黃芩進之或黃

連麥門冬湯亦可大熱不退加柴胡黃芩升麻葛根牛蒡子黑參

色紫黑乃內外熱甚而血結者逆必須急速解表宜葛根麥門冬散生地黃散升麻葛根湯或荊防敗毒

散加梔子仁或雙解散有痰加杏仁無汗加麻黃若其色變黑者宜黃連杏仁湯主之或山梔子湯化斑

湯速解治之緩則不及矣

故曰初發赤白者生黑紫者死蓋赤疹屬陽遇清冷而消白疹屬陰遇煖溫而減故皆可生若所發黑紫

者內熱甚而血結生機將絕速就前法解治死中求活者也

麻疹已出時其疹色正而身猶大熱宜升麻葛根湯白虎湯倍加牛蒡子黑參

既出已過三日不能沒落乃內有虛熱宜四物湯治之又如有失血之證加犀角汁解之

麻疹已沒落身猶大熱宜升麻葛根湯加黃連地骨皮治之

麻疹已沒落別無他證但餘熱不除宜黃連解毒湯調益元散治之

麻疹收平數日之後猶有餘熱未盡復再發熱日夜不退每夜煩躁譫語狂亂失血且多驚搐重出一番

麻疹比前略少此乃心血耗散餘毒熱甚先治失血急用犀角地黃湯解毒湯一劑再用四物湯加遠志

總之癩疹由血熱不潔飲食不節等語并風血熱上四牛湯

滋陰補血湯加麥門冬犀角汁嗽加瓜蒌仁痰加貝母橘紅

內多實熱宜四物湯加芩連防風連翹涼其中以退其陽

凡汗出不透燒熱不退倍加紫蘇葉葛根白芷等藥助之當得大汗去病如掃

傷風

當發表後癩疹正出之時偶遇大風大寒或內傷生冷令癩疹隱隱於皮膚之內時有時無欲出不出如物影之搖動謂之影疹急宜升麻葛根湯化斑湯或活血散治之其影癩不日即出如小便不通熱甚宜四苓湯加梔子木通若不急治則皮膚閉塞毒氣壅滯或一片白一片紅一片紫喘滿腹脹腹痛反覆變亂危亡立至

如出一日而沒乃爲風寒所襲忽然沒落急宜消毒飲治之若不急治毒氣內攻癰爛而死

既見三日退後若有被風之證亦宜消毒飲神效

癩疹退後不可當風苟見風太早一腫即消必體瘦肌黃恐防病目致生癩風瘡如有癩風瘡宜大連翹飲加牛蒡子防風金銀花爛處敷生肌散

汗渴飲水

癩疹得汗爲妙固不可無汗亦不可過於汗如初熱時未曾用藥發表自然多汗遍身流出如水此則腠理開泄內毒盡從汗出順證也不必再用發表亦不可驟止如汗出太多不止乃毒盛致液妄行宜用五倍子三錢爲末唾津調爲餅敷貼臍上其汗即止

癩疹之證猶如傷寒熱病未有不作渴者傷寒發渴得水而生癩疹發渴亦可飲水但不可過多如癩疹渴時只宜常服葱白湯或以穀粗糠用滾水潑淋候溫飲之稍涼亦可使毛竅中常有微汗潤澤其疹自出自無發瘡之證或以烏梅一兩熬水二鍾入井水中浸涼每用一盞攪涼水一盞徐徐飲之如熱不退

渴不止宜服化斑湯數劑亦不妨渴止熱減住服或人參白虎湯其渴即止大熱不退作渴人參白虎湯主之不可飲水過多恐生水蓄之病蓋熱極而渴者心也水既入心傳於脾爲吐嘔瀉痢脾傷水五苓散主之傳於肺爲喘爲嗽肺傷水清肺飲加白丑末少許主之傳於腎爲小便不利爲陰囊浮腫傳於肝爲脅痛爲筋軟爲膨脹肝與腎傷水亦用五苓散加木通車前子以泄膀胱之水則肝腎之病除矣

煩躁

未出煩躁宜升麻葛根湯加紫蘇葱白一根

已出煩躁宜黃連解毒湯加白虎湯

沒落煩躁宜黃連解毒湯加麥門冬地骨皮

諸語

初出實熱火盛諸語宜升麻葛根湯加調辰砂益元散

已出諸語宜黃連解毒湯調辰砂益元散

謔語熱甚昏昧不省人事宜黃連解毒湯

沒落謔語者凶宜燈心湯調辰砂益元散

欬嗽

未出欬嗽宜升麻葛根湯加麻黃

若發熱欬嗽三五日不出者以胡荽酒擦之或炒胡荽子以薄綿包裹乘熱熨身上亦即出矣

已出欬嗽宜涼膈散加桔梗地骨皮

若已出三四日之間發熱欬嗽聲音不出乃火毒在肺與胃中急宜用凉水調兒茶散數次火退聲音即出再服清金降火湯即愈

若欬嗽痰吐不出發散後宜瓜蒌仁黃連枳實甘草煎服之

沒落欬嗽宜涼膈散加桔梗地骨皮五味子

總之麻疹前後欬嗽皆係麻毒不可輕視宜服參蘇飲瀉白散或防風通聖散皆可選用若久欬頓成疹後風或冷咽喉血急宜服麥門冬清肺飲若冬清肺飲及肺胃胃高腹脹喘急滿悶唇面青白結紫枯